

Декабрь

18/1 Мученика Платона (302 или 306).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сұмырал шуэныт да ия-влакын тептердыме үчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 3

Святой орланыше Платон, тыйым волгыдын шарнымаш сандалыкым куандара, кугун пагалыме храмышкет ўшаныше-влакым ўжеш да, йывыртен погынен, волгыдо мурым мурена, чын Юмым палыдыме-влак деч шке олаштым аралаш йодына.

№63 Величание

Тендам моктена, тендам моктена, святой орланыше Платон ден Роман, да Христос верч орланымыдам пагален шарнена.

19/2 Мученика Варлаама (ок.304).

№57 Тропарь, глас 4

Господь, Тыйын орланышет Варлаам индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сұмырал шуэн да ия-влакын тептердыме үчыштым шалатен. Тудын молитваж дене мемнан чоннам утаре.

Кондак, глас 4

Орланыше Варлаам, öрыктарыше пенгыдылыкым ончыктен, шкендым Христослан йўлалтен пуымо тамле ладан гай пуэнат да, кугун пагалыме венецым налын, мемнан верчат Юмым сөрвалет.

№63 Величание

Тыйым моктена, тыйым моктена, святой орланыше Варлаам, да Христос верч орланыметым пагален шарнена.

20/3 Предпразднство Введения во храм Пресвятой Богородицы.

Тропарь предпразднству, глас 4

Таче Анна чылаштлан куаным кучыкта, ойгым чактарыше саскам, Эн Яндар Ёдырым, куштен да ынде Тудым, Юмо Шомакын храмжым да Яндар Авам, молитвам лудын, кугу куан дене Господын храмышкыже конда.

Кондак, глас 4

Юмым Шочыктышо Ёдырын чапланыше пайремжылан көра сандалык таче куан дене темын. Тушто мурат: Тый Пылпомышысо леведыш улат.

№27 Тропарь общий преподобным, глас 4

Мемнан ачана-шамычын Юмыжо, мыланна эре Шке ўнгышылыкет почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

21/4 Введение во храм Пресвятой Богородицы

Тропарь, глас 4

Юмын поро кумылжым таче ончыктым, ен-шамычлан утаралтмашымат каласыме. Юмын храмыш Ёдыр раш толын, Христосын толшашымат ончылгоч ончыктен. Тудлан меат кугу йук дене манына: Пурьшо Юмын эрыкше шукталтмылан куане!

Кондак, глас 4

Утарышын эн яндар храмже, шергакан илем да Яндар Ёдыр, Юмын чапын святой поянлыкше таче Господын портышкыжө пурталтеш да Юмын Шулышын порылыкшым пырля пурта. Тудо Пылпомышысо илыме вер манын, Юмын суксыжо-влак мурат.

Величание

Тыйым моктена, Тыйым моктена, Юмын ойырен налме Эн Яндар Ёдыр, да Господын храмышкыже пуриметым пагален шарнена.

22/5 Апостола от 70-ти Филимона и Архиппа и мученицы равноапостольной Апфии (I).

№40 Тропарь апостолам, глас 3

Святой Филимон ден Архипп апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак апостолам, глас 2

Христосын туня тур марте сотемдарыше да чыла волгалтарыше шудыр гай апостолжо-влакым, чапланыше Филимоным, священный Архиппым, Онисим ден Маркым, Аполлосым да нунын дене пырля кугу ушан Апфиям моктен, йодына: мемнан верч чарныде кумалза.

Величание

Тендам моктена, тендам моктена, святой апостол Филимон ден Архипп да апостол-влак дене тор улшо Апфия, туныктымыда дене уло туням сотемдарен, тунян чыла ужашыжым Христос деке конденда.

23/6 Святителя Амфилохия, епископа Иконийского (после 394). Святителя Григория, епископа Акрагантского (VI-VII).

№27 Тропарь святителям Амфилохию и Григорию, глас 4

Мемнан ачана-шамычын Юмыжо, мыланна эре Шке унгышылыкеш почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

№44 Кондак святителю Амфилохию, глас 2

Святой Троицылан чот йорышо кугу святитель Амфилохий, Юмын кудырчыжө, Святой Шулышын пучшо, ушанымашым удышо да шоя туныктымашым чактарыше, тый суксо-влак дене пырля Юмын ончылно шогымет годым мемнан верч чарныде кумал.

Кондак святителю Григорию, глас 4

Поро пиалан преподобный Григорий ачана, Святой Шүлышан Черке таче кечыйол дене ймыктарыме гае волгалтеш да тыйын мален колтыммо гай волгыдын колыметым пайремла.

Величание

Тендам моктена, тендам моктена, кугу святитель Амфилохий ден Григорий ачана-влак, тендам пагален шарнена, вет те мемнан верч Христос Юмынам сөрваледа.

24/7 Великомученицы Екатерины (305-313).

Тропарь великомученице Екатерине, глас 4

Юмын ўжмө ўдыр, поро пиалан Екатерина, чын Юмым палыдыме мудреч-влакым поро пашат дене кечыйол гай сотемдаренат, Юмылан ўшаныдымаш пычкемышым волгыдо тылзе семын чактарен, кугыжан ватым ўшандаренат, тыйым орландарышым вожылтаренат да чапле Христос Каче деке Пылпомышысо Кугыжанышке кугу кумылын каенат, Тудын деч кугыжан венецым налын, ончылныжо суксо-влак дене пырля шоget да тыйым порын шарныше-влак верч кумалат.

Кондак, глас 2

Юмо верч орланыше-влакым йоратыше-шамыч, кугу уш-акылан Екатеринам моктыза, вет тудо чын Юмым палыдыме-влакын пайремыште Христос нерген туныктен, кишкым сенген да Юмо нерген шояк туныктышо-влакым чактарен.

Величание

Тыйым моктена, тыйым моктена, кугун орлыкым чытыше Екатерина, да Христос верч орланыметым пагален шарнена.

25/8 Отдание праздника Введения во храм Пресвятой Богородицы. Священномучеников Климента, папы Римскаго (101), и Петра, архиепископа Александрийского (311).

№54 Тропарь священномученикам Клименту и Петру, глас 4

Мемнан ачана-шамычын Юмыжо, мыланна эре Шке ўнгышылыкеш почеш ыштыше, Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак общий, глас 4

Чот пенгыде, чыла моктыммо Климент ден Петр, те Черкын да Юмын тарваташ лийдыме пенгыдылыкше да Юмын пуымо поро койыш-шоктышын рўдыжө улыда, шке кумалмыда дене чылажымат аралыза.

Величание

Тендам моктена, тендам моктена, кугу святитель Климент ден Петр ачана-влак, тендам пагален шарнена, вет те мемнан верч Христос Юмынам сөрваледа.

26/9 Преподобного Алипия столпника (640).

Тропарь Алипию столпнику, глас 1

Преподобный Алипий ачана, чытымашын пенгыде рўдыжө, тый орлыкышто Иов кугезына гай, алгаштарымаш годым Иосиф гай лийынат да капым налше суксо семын иленат, мемнан чоннам утараш Христос Юмым сөрвале.

Кондак, глас 8

Алипий ачана, Черке таче тыйым, порылыкын тўнгалтышыжым да пўтым кучышо-влакын моторлыкшым, мокта. Лўдде, пенгыдын шогыметым пагален шарныше-влак верч кумал да неле сулыкштым касарымашым пу.

Величание

Поро пиалан улметым моктена, чын илыше святой Алипий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

27/10 Иконы Божией Матери, именуемой «Знамение» Знамение Пресвятой Богородицы, бывшее в Новгороде Великом в 1170 году.

Тропарь в честь иконы Божией Матери «Знамение», глас 4

Юмым Шочыктышо Эн Яндар Ёдыр, Тый мыланна аралыше пырдыж да ёрыктарыше паша-влакын памашыже улат, Тыйын полшымет дене тушманым сенена. Шке олатлан тынысым, а мемнан чонлан кугу чаманымашым пуаш Тыйым сёрвалена.

Кондак, глас тойже

Юмым Шочыктышо Ёдыр, кугун пагалыме Тыйын тўсетын ончыктым палыжым пайремлена, тудын полшымыж дене Шке олатлан ёрыктарыше сенымашым пуэнат. Яндар Ёдыр, христиан-влакын Моктымашыже, йывырте манын, ўшан дене мурена.

Величание

Тыйым моктена, тыйым моктена, Юмын ойырен налме Эн Яндар Ёдыр, Тыйын святой юмонатым пагалена, вет тудын деке ўшанен толшо-влаклан Тый пареммашым пуэт.

28/11 Преподобномученика и исповедника Стефана Нового (767).

Тропарь, глас 4

Орланыше преподобный Стефан, курым-курумеш шарныме улат, курыкышто пўтым кучен илен, тушманын кугешнымыжым Ёресын вийже дене пытаренат, орланымашлан лўдде ямдылалтын, Копронимым ўшанымашын кердыж дене пуштынат да Юмо деч венецым налынат.

Кондак, глас 3

Преподобный Стефан ачана, саскадыме вож гыч кушшо у укш, тый икымше орланыше Стефан гай да монах-влакын кугу туныктышышт лийынат, Христосын тўсшым пагалыдыме кугыжан шыдыж деч лўдын отыл, орланен колымет дене чап венецым налынат.

Величание

Поро пиалан улметым моктена, орланыше преподобный Стефан ачана, тыйым пагален шарнена, вет тый монах-влакым виктарыше да суксо-влак дене мутланыше улат.

29/12 Мученика Парамона и с ним 370-ти мучеников (250).

№57 Тропарь, глас 4

Господь, Тыйын орланышет Парамон индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуймо виет дене сўмырал шуэн да ия-влакын тептердыме ўчыштым шалатен. Тудын молитваже дене, Христос Юмо, мемнан чоннам утаре.

Кондак, глас 2

Орланыше Парамон, шке ўжарат дене Христос Кече толшашым увертарен, тўнялан волгыдо чын шўдыр лийынат да чыла ондалымашын тулжым йўртенат, мемнан верч чарныде кумалын, мыланнат волгыдым пуэт.

30/13 Апостола Андрея Первозванного (62).

Тропарь, глас 4

Апостол-влак коклаште эн ончыч ўжмў Андрей, кўшыл апостолын шольыжо, тўнялан тынысым да мемнан чонлан кугу чаманымашым пуыжо манын, чылам Кучен Ашныше Юмым сўрвале.

Кондак, глас 2

Лўддымылык манын лўмдымў апостолым, Юмо нерген ойлышым, Черкын кўшыл апостолжо Петрын шольыжым, моктена, вет тудо мыланна ожнысо семынак эре ойла: толза, Кычалмынам муынна.

Величание

Тыйым моктена, тыйым моктена, Христосын апостолжо Андрей, Христосын Поро Увержым шарымет годсо орланымет ден пашатым пагален шарнена.

1/14 Пророка Наума (VII в. до Р.Х.). Праведного Филарета Милостивого (792).

№33 Тропарь пророку Науму, глас 2

Господь, Тыйын Наум пророкытым шарныме кечым пайремлена, да тудым ўжын, Тыйым сўрвалена: мемнан чоннам утаре.

№34 Кондак, глас 4

Юмын Шўлыш дене волгалтше тыйын яндар шўмет ончык ужын раш каласымашын верже лийын: вет тый торасе ончыкылыкым кызытсе семын ужат. Сандене ме тыйым, поро пиалан чапле пророк Наум, пагалена.

№35 Величание

Тыйым моктена, тыйым моктена, Юмын пророкшо Наум, тыйым пагален шарнена, вет тый мемнан верч Христос Юмынам сўрвалет.

Тропарь праведному Филарету Милостивому, глас 4

Филарет ачана, тый ўшанымаште Авраам гай, чытымаште Иов кугезына гай лийынат, мландымбалысе поянлыкым йорло-влаклан пуэден, кугу нужналыкым чолган чытенат. Подвиглан кумыландыше Христос Юмына тыланет волгыдо венецым пуэн, мемнан чоннам утарыже манын, Тудым сўрвале.

Кондак, глас 3

Чаманыше Филарет, порын шонен моштышо-влак тыйын чаманыде пуыметым чот аклат да кугу уш-акыл дене ыштымылан шотлат, вет тый мландымбалне жаплан пуымым чаманен отыл, тидын дене Кўшылсым, курымашлыкым кычалынат да курымаш чапым налынат.

Величание

Тыйым моктена, тыйым моктена, чын илыше святой Филарет, тыйым пагален шарнена, вет тый мемнан верч Христос Юмынам сўрвалет.

2/15 Пророка Аввакума (VII в. до Р.Х.).

№33 Тропарь, глас 2

Господь, Тыйын Аввакум пророкытым шарныме кечым пайремлена, да тудым ўжын, Тыйым сөрвалена: мемнан чоннам утаре.

Кондак, глас 8

Юмо нерген ойлышо Аввакум, кечывалвелым Яндар Ёдыр деч Юмын толшашыже нерген сандалыклан ойленат. Христосын ылыж кынелшашыж нерген волгыдо суксо-влакын каласымыштым Юмын оролжо семын тўнялан увертаренат. Пророк-влакын волгыдо порылыкшо, йывырте манын, тыланет куанен мурина.

Величание

Тыйым моктена, тыйым моктена, Юмын пророкшо Аввакум, тыйым пагален шарнена, вет тый мемнан верч Христос Юмынам сөрвалет.

3/16 Пророка Софонии (635-605 г.до Р.Х.).

№33 Тропарь, глас 2

Господь, Тыйын Софоний пророкытым шарныме кечым пайремлена, да тудым ўжын, Тыйым сөрвалена: мемнан чоннам утаре.

Кондак, глас 4

Софоний пророк, Юмын Шўлыш дене волгалтын, Господьын толмыжым увертаренат да, Иерусалимысе Сионын ўдыржў, чот йывырте манын, Кугыжан утараш толшашыж нерген каласенат.

Величание

Тыйым моктена, тыйым моктена, Юмын пророкшо Софоний, тыйым пагален шарнена, вет тый мемнан верч Христос Юмынам сөрвалет.

4/17 Великомученицы Варвары (ок.306).

Тропарь, глас 8

Кугун пагалыме святой ўдыр Варварам порын шарнена: тудо Ёресын куатше полшымо дене тушманын вапшыжым сенен, нунын деч кайык семын утлен.

Кондак, глас 4

Кугу орлыкым чытыше Варвара, моктен мурина, Святой Троице почеш каенат, шояк юмылан кумалме верым шалатенат. Пўрєн гай ушан ўдыр, индыралтме подвигым чытымет годым орландарыше-влак деч лўдын отыл да Троице Юмым кугу йўк дене курым-курымеш моктен мурет.

Величание

Тыйым моктена, тыйым моктена, святой орланыше Варвара, да Христос верч орланыметым пагален шарнена.

5/18 Преподобного Саввы Освященного, Иерусалимского (532).

№51 Тропарь, глас 8

Савва ачана, шинчавўд йогынет дене ир мландым нўртенат да чот ойгырен шортмет дене паша саскатым шўдў пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сўрвале.

Кондак, глас тойже

Сай пашат дене изиєт годсекак Юмылан яндар жертве да поро койыш-шоктышын садшым куштышо поро пиалан Савва ачана, тый преподобный ача-шамычын моторлыкышт да ир мландын моктымо айдемыже лийынат. Ёнде тыланет мурина: порылыклан поян Савва ачана, куане.

Величание

Поро пиалан улметым моктена, Юмылан йöрышö Савва ачана, тыйым пагален шарнена, вет тый монах-влакым виктарыше да суксо-влак дене мутланыше улат.

6/19 Святителя Николая, архиепископа Мир Ликийских, чудотворца (ок.345).

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – күшнысым, йорлылыккет дене поянлыкым погенат. Святой Николай ачана, мемнан чоннам утарыже манын, Христос Юмым сөрвале.

Кондак, глас 3

Преподобный святой ачана, Миры олаште тый священный пашам ыштенат: Христосын Поро Увержым шуктен, чонетым шке енет-влак верч пыштенат, титакдыме-шамычым колымаш деч утаренат да Юмын порылыкын кугу тайныжлан служитлыше семын святитлалтынат.

Величание

Тыйым моктена, тыйым моктена, святитель Николай ачана, тыйым пагален шарнена, вет тый мемнан верч Христос Юмынам сөрвалет.

7/20 Святителя Амвросия, епископа Медиоланского (397).

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – күшнысым, йорлылыккет дене поянлыкым погенат. Святой Амвросий ачана, мемнан чоннам утарыже манын, Христос Юмым сөрвале.

Кондак, глас 3

Священный тайным шуктышо поро күтучö Амвросий, Юмын туныктымашыж дене волгалтын, Арийын шояжым почынат, түрлö алгаштарымаш деч ең-влакым Святой Шўлышын вийже дене эмленат. Мемнан чоннам утарыже манын, Христос Юмым сөрвале.

Величание

Тыйым моктена, тыйым моктена, преподобный святой Амвросий ачана, тыйым пагален шарнена, вет тый мемнан верч Христос Юмынам сөрвалет.

8/21 Преподобного Патапия (VII).

№49 Тропарь, глас 8

Преподобный Патапий ачана, мыланна Юмын пуымо тўс тый денет тұрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет суксо-влак дене пырля куана.

Кондак, глас 3

Юмылан йöрышö святой Патапий, ең-влак тыйын храмышкет шўм-чоным паремдаш ўшан дене толыт, черыштым эмлаш да сулыкан илышыштым тёрлаташ йодыт, вет тый ойгышто улшо-влак верч Юмылан кумал шогышо улат.

Величание

Поро пиалан улметым моктена, Юмылан йöрышö Патапий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Тропарь преподобному Кириллу Челмогорскому, глас 4

Преподобный Кирилл ачана, тыйым шарнымаш таче уло тўням порылыкын йолваже дене кече семын волгалтарен, осал шўлыш-влакын пычкемыш йўдыштым мемнан деч поктен колтен. Святой Суксо-влакын Пылпомышысо куатышт да мландымбалысе калык ден чын илыше-влакын чонышт ик семын йывыртат, меат, сулыкан-влак, сукалтен йодына: тыйым пагалыше енг-влакым да ола ден ял-шамычым утарыже манын, Христос Юмым чарныдеак сөрвале.

Кондак, глас 8

Юмылан йöрышö Кирилл ачана, илышын чыла моторлыкшым изинекак коден, тыйым Ёжшö почеш ир мландыш каенат, пашам ыштен, пўтым кучен, капетым орландаренат. Чылалан поян Господь тыйым Шке пачаже-влакын кўтўчыжым ыштен. Поро пиалан ачана, тыйым йöратен шарнен, тый декет ўшан дене толына да мемнан сулыкнам кудалтыже манын, Христос Юмым сөрвалаш йодына.

Величание

Поро пиалан улметым моктена, Юмылан йöрышö Кирилл ачана, тыйым пагален шарнена, вет тый монах-влакым виктарыше да суксо-влак дене мутланыше улат.

9/22 Зачатие праведной Анною Пресвятой Богородицы.

Тропарь, глас 4

Йочам ыштен кертдымаш таче рудалтеш, Иоаким ден Аннам Господь колын да нунын вучымыштлан көра Юмылан йöрышö Эн Яндар чапле Ёдырым шочыкташ товатла. Тиде Ёдыр деч Каласен мошташ лийдыме Шке шочын да Айдеме лийын, Суксылан увертараш кўштен: Поро Пўрымашан, йывырте, Тый денет Юмо.

Кондак, глас тойже

Таче сандалык Аннан көргыштö Юмын пуымо йочан иланымыжым пайремла, вет Тудо шомак дечат кугу Шомакым шочыктышо лиеш.

Величание

Тыйым моктена, Тыйым моктена, Эн Яндар Ёдыр, Тыйын святой ача-аватым шарнена, Тыйын чапланен иланыметым моктена.

10/23 Мучеников Мины, Ермогена и Евграфа (ок.313).

Тропарь, глас 8

Христосын орланышыже-влак, те алгаштарымашым сентымыда дене тудын тул гай йўлалтыше тўсшым да вийжым пытаренда. Илымыда годымак енг-влакын черыштым эмлаш порылыкым налында, колымекыдат öрыктарыше пашам ыштеда.

Святой лулегыдан пареммашым пуымыжо чот куандара, Чыла Ыштыше Ик Юмылан чап да моктымаш.

Кондак, глас 1

Господьым чапландарыше да Тудын верч орланыше öрыктарыше Минам, божественный Ермоген ден Евграфым священный ямле муро дене чылан моктена, вет те Пылпомышысо капдыме куат-влак деке нöлталтын, öрыктарыше пашам ыштеда.

Величание

Тендам моктена, тендам моктена, Христосын чот орланышыже-влак Мина, Ермоген ден Евграф, да Христос верч орланымыдам пагален шарнена.

11/24 Преподобного Даниила Столпника (489-490).

Тропарь, глас 1

Кугезе ачана-влак гай тыршыше преподобный Даниил, тый чытымашын пенгыде менгыже улат, орлыкышто Иов кугезына гай, алгаштарымаш годым Иосиф гай лийынат да капым налше суксо семын иленат, мемнан чоннам утарыже манын, Христос Юмым сөрвале.

Кондак, глас 8

Поро пиалан ачана, чот волгыдо шудыр гай тый менгыш нöлталтынат, поро пашат дене туням сотемдарен, ондалымашын пычкемышыжым поктен колтенат. Тыйым сөрвалена: уш-акылын эре йулышö волгыдыж дене шке кулет-влакым шумьштым кызытат волгалтаре.

Величание

Поро пиалан улметым моктена, Юмылан йöрышö Даниил ачана, тыйым пагален шарнена, вет тый монах-влакым виктарыше да суксо-влак дене мутланыше улат.

12/25 Святителя Спиридона, епископа Тримифунтского, чудотворца (ок.348).

Тропарь, глас 1

Шумьштет Юмым нумалше святитель Спиридон, святой ача-влакын Икымше Погынышто тый чот шогенат да öрыктарыше пашам ончыктенат. Колышо ең деч йодын кертынат, кишкым шöртньыш савыренат, святой молитвам мурымет годым тыланет Суксо-влак полшеныт. Священный ачана, тыланет пенгыдылыкым да венецым Пуышым моктена, тыйын гоч чылаштым Паремдышым чапландарена.

Кондак, глас 2

Юмылан йöрышö святой ачана, Христосын йöратымашыж дене чонетым темен, уш-акылетым Святой Шудышын ужарашкыже виктаренат, чыла ужын моштымет дене поро пашам ыштыме корныш шогалынат, чылаштлан Юмын волгыдыжым йодмет дене Юмын жертвенникше лийынат.

Величание

Тыйым моктена, тыйым моктена, святитель Спиридон ачана, тыйым пагален шарнена, вет тый мемнан верч Христос Юмынам сөрвалет.

13/26 Мучеников Евстратия, Авксентия, Евгения, Мардария и Ореста (284-305).

Тропарь, глас 4

Кугун пагалыме орланыше-влакын волгыдыштым, лишыл ең деч орлыкым чытыше вич еным, мландымбалысе чап деч коранше-влакым, мастарын ойлен моштышо кугу ушан Евстратийым, кече деч чеверым, пырля орланышыж-влак дене

иктеш моктена. Христос Кугыжа верч нуно тулышко, орланымашке каенгыт да Тудын Престолжо деч чап венецым налыныт. Христос Юмо, нунын сөрвалымышт дене мемнан чоннам утаре.

Кондак, глас 3

Христосын поро пиалан орланышыже Евстратий, закондымо-влак ончылно Юмын мутым ойлен, кырымашым лүддымө шүм дене чытенат. Юмын пуымо пале дене волгалтын, алгаштарымашын кугу тулжым йөртенат, сандене тыйым чот моктена.

Ин кондак, глас 2

Орланыше Евстратий ачана, тый Юмым палыдыме пычкемыште улшо-влаклан волгалтарыше лийынат, умдо олмеш ўшанымаш дене вўдылалтын, тушманын кугешнымыж деч лўдын отыл, мастарын ойлен моштышо-влакын мутышт деч тыйын мутет порырак лийын.

Величание

Тендам моктена, тендам моктена, Христосын орланышыже Евстратий, Авксентий, Евгений, Мардарий ден Орест, да Христос верч орланымыдам пагален шарнена.

14/27 Мучеников Фирса, Левкия и Каллиника (249-251).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас 2

Чын ўшанымаш верч шогышо Фирс ден Левкий, орландарыше осал ег ўмбаке шўвалын, вўрым янлык гай йоктарымыжым калыклан почын ончыктенда, Христосын польшыж дене пентгыдемын, тушманын ажгынымыжым сенгенда, орланыше-влак дене пырля мемнан верч кумалза.

63 (59) Величание

Тендам моктена, тендам моктена, святой орланыше Фирс, Левкий ден Каллиник да тендан пелен орланыше-влак, да Христос верч орланымыдам пагален шарнена.

15/28 Священномученика Елевферия (II).

№64 Тропарь, глас 4

Юмылан йўрышў священномученик Елевферий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сўрвале.

Кондак, глас 2

Преподобный Елевферий, священник-влакын ўяндышышт, орлыкым чытышаш-влаклан ончылгоч палдарыше святой, тыйым чылан моктена, йўратен шарнена да йодына: мемнан верч чарныде кумал да тўрлў ойго деч утаре.

Величание

Тыйым моктена, тыйым моктена, священномученик Елевферий, тыйым пагален шарнена, вет тый мемнан верч Христос Юмынам сөрвалет.

Тропарь святителю Стефану, глас 4

Священномученик Стефан, святитель семын тый капдыме куат-влак дене пырля иленат. Ыресым саркурал гай пентгыдын кучен, тый Юмогам шотлыдымо, Святой Шүлышым вурсышо да Христос Юмынан Эн Яндар Образшылан кумалдыме-влак ваштареш шогенат, ондалыше-влакын шояштым руал кудалтен, орланымаш венецым налынат, Сурож олатым чыла тушман деч утаренат. Святой ачана, таче тыйым сөрвалена: мемнам түрлө алгаштарымаш, ойго да курымышлык орлык деч утаре.

Кондак, глас 3

Священный Стефан, Күшылсын куатше дене пентгыдемын, юмога ваштареш кугыжан кучедалмышым сененат. Сурож олатлан да мыланна чап ден поянлыкым, шке святой мощетым, коденат. Суксо-влакын чинышт кўшыч тудлан пөлекым кондат да тыйым муро дене моктат.

Величание

Тыйым моктена, тыйым моктена, святитель Стефан ачана, да тыйым пагален шарнена, вет тый мемнан верч Христос Юмынам сөрвалет.

16/29 Пророка Аггея (500 г. до Р.Х.).

№33 Тропарь, глас 2

Господь, Тыйын Аггей пророкытым шарныме кечым пайремлена, да тудым ўжын, Тыйым сөрвалена: мемнан чоннам утаре.

№34 Кондак, глас 4

Юмын Шүлыш дене волгалтше тыйын яндар шүмет ончык ужын раш каласымашын верже лийын: вет тый торасе ончыкылыкым кызытсе семын ужат. Сандене ме тыйым, поро пиалан чапле пророк Аггей, пагалена.

№35 Величание

Тыйым моктена, тыйым моктена, Юмын пророкшо Аггей, тыйым пагален шарнена, вет тый мемнан верч Христос Юмынам сөрвалет.

17/30 Пророка Даниила и трех отроков: Анании, Азарии и Мисаила (600 г. до Р.Х.).

Тропарь, глас 2

Ўшанымаш верч кум святой эрге кугу подвигом ончыктен: тул коклаште нуно лыпландарыше вўдыштө улмо семын куаненыт, а Даниил пророк лев-шамычым шорык кўтымө гай кўтен. Нунын молитвашт дене, Христос Юмо, мемнан чоннам утаре.

Кондак пророку Даниилу, глас 3

Поро пиалан пророк, моктымо Даниил, Святой Шүлыш дене сотемдаралтше яндар шүмет Юмын увержым волгыдын кондышо лийын, ончыкыжо мо лийшашым тачысе семын ужат, келге вынемыш кудалтымекышт, лев-влакым ўнгышемденат, да тыйым пагален шарнена.

Кондак трем отрокам, глас 6

Поро пиалан кум эрге, кид дене возымо тўсым пагален одал, но Каласен мошташ лийдыме Куат дене аралалтын, тулышто чытыме подвигым ончыктен, чыташ лийдыме тул лонгаште Юмым сөрваленда: о Чаманыде пуышо, писешт, Чаманыше, мыланна полпаш вашке, вет кумылет лиеш гын, кертат.

Величание

Тыйым моктена, тыйым моктена, Юмын пророкшо Даниил, тыйым пагален шарнена, вет тый мемнан верч Христос Юмынам сөрвалет.

Величание

Тендам моктена, тендам моктена, кум святой эрге, Ананий, Азарий ден Мисаил, тендам пагален шарнена, вет те мемнан верч Христос Юмынам сөрваледа.

18/31 Мучеников Севастиана и дружины его (ок.287).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

№62 Кондак, глас 8

Юмын орланышыже-влак, волгыдын волгалтарыше лийын, öрыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сөрвалыза.

№63 Величание

Тендам моктена, тендам моктена, святой орланыше Севастиан ден тудын дружиныже, да Христос верч орланымыдам пагален шарнена.